

清虛寺與玄應觀



廣廈開僧宇真脩不
計年唐其居已久

松石草芊緜

觀法虛寺

正清

陝縣志卷二十五

歐陽珍編次

叢載

接近世龍游縣志有叢載名目蓋於政治無大關係而相沿已久又覺不能遽刪因仿其意而統列之於末曰八景曰廟寺曰陵墓曰紀言曰紀物曰紀異

八景

嶠陵風雨 洪巖秋霽 峴山煙靄 金沙落照 繡嶺雲橫 草堂春曉 茅津夜渡

禹門積雪

廟寺

按寺觀本釋道之所寓關中賀復齋先生修三原縣志削而不載以闕異端然西寺距清麓精舍僅數十武而其教在秦省頗盛不能廢也則儒名墨行墨名儒行亦何必斷斷較異同哉况陝並不崇信二氏而相傳古刹半歸頽廢存其名義以供憑弔之資與淫祀者有間後人分別觀之可矣

城隍廟 在城內東街明洪武二年知州嚴作霖重修民國十八年毀於兵

陝縣志

卷二十五

按陝城之祀近乎釋氏天堂地獄之說誠不免於迷信然賞善罰惡天道有時而或爽即官法亦有所不逮借此諸像赫然使下愚強梗之夫有所恐怖而不敢恣肆亦即有資於政治蓋小民畏威免罪而戒無怪社會之日趨於亂也

八蜡廟 在城西南 火神廟 在城南 龍王廟 在北門元至

馬王廟 在縣治左乾隆十一年 旗纛廟 在城東北隅明洪武建 后土廟 在城南里高建三十

土地祠 在縣治東 神農廟 在太老高泰仙建 舜帝廟 在崖底村

白龍廟 在名山明萬歷 玄帝廟 在煮山樊村 泰山廟 在東樊村崇禎

玉皇廟 在張茅鎮東 中岳廟 在曲村人施顯建 峴山廟 在縣西南五里社建

雷公廟 在磁鎮 伯王廟 在縣南四十里祀唐 顯聖廟 在馬河社宋紹興十

三官廟 在岳莊 山神廟 在灣兒 聖母廟 在温塘

壑口廟 在河底村 娘娘廟 一在南張村一在東樊村

清虛寺 在縣治 萬善寺 在縣東門外蜀僧真 寶輪寺 在縣東南

興國萬壽寺 在縣東南隋開皇八年建 開元寺 在縣東四十里三門山始建末詳

祇園寺 在後川 寶華寺 在城內

空相寺 在縣東一百里七里社熊耳山西 重慶寺 在村南社建

金山寺 縣西原店村 慈雲寺 縣東朱家原社

龍泉寺 縣東二十五里 福勝寺 縣東社元僧普照建

清涼寺 僧渠誦建 崇福寺 過村中莊

慶福寺 縣南西樊社 旌賢寺 縣東五里

黃岩寺 明僧常添建 安國寺 縣東李村社

龍興寺 縣東一百七十里 定林寺 李村

開化寺 縣東一百七十里 廣濟寺 橋頭

秋子寺 河底 廣緣寺 三舖

崇興寺 岳莊 白馬寺 張汴

地藏寺 郭家 彌陀寺 濠底河村

龍華寺 五原 慈恩寺 黑山

永福寺 王村 景德寺 熊耳

雙峯寺 熊耳 淨水庵 南溝

朝陽寺 山駕車 白衣堂 后川

白馬寺 曲村

大通寺 縣東南五十里

洪崖寺 縣東馬河社

靜業寺 縣南盧

裕昆寺 雙河

龍興寺 溫塘

天雲寺 曲沃

南度寺 縣西焦

隆興寺 張村

名山寺 黑山

朝陽庵 山口

聖水庵 芝社

陝縣志

卷二十五

白雲庵 五里

法王庵 原店

佑德觀 縣南門內

春陽觀 縣東社

紫微宮 縣東七十里

陵墓

淨水庵 南溝

白衣堂 后川

玄應觀 縣北

玉虛宮 縣南五十

觀音堂 八里

迎祥觀 縣西南三里

三清觀 村太陽

藥王洞 北關僧

三官洞 硤石

按生有功德死而不朽故死士之壟或較勝於生王之頭則過馬鬣而景仰亦出於人心之不容自己舊志有陵墓一門亦激勸之一助也仍照錄之其可續者附焉

大周莊府都督常懷觀墓 詳見古蹟

三生公主墓 在州東樊社昔唐明皇公主

宋魏野墓 舊志謂在城東郊外子城北三里許

唐姚文獻公墓 在州東衛村社

隋李密墓 詳見古蹟

具趨視鋪鑿其鏑則魏仲先墓也寇萊公撰文其家尚存誌稿墓旋封訖土室荒

考廢無古蹟未載附記於此

元姚煒墓

舊志云崇裔孫但未載何時人今據姚氏譜序為元秦定時姚煒作故列元時墓地待考

元蔚治中墓

在縣東趙原社公名德四川岳藏齋墓葬於此今人呼為岳家墳

趙行省墓

在西樊社公名仕授陝二州長官保護鄉里陝民賴之卒葬於此

明太僕少卿張九功墓

在州南雞足山下碑記

崔忠貞儒秀墓

在縣東盧家渠南距縣十五里有碑記

理學惺所王公墓

在張茅鎮北梨山下碑記

陝西參政王權墓

在縣西城村北黃河嶺去縣三十里

陝西按察使衛三省墓

原在溫塘西村南嶺下去縣三十里後移在賀家莊

太常寺少卿趙完璧墓

在縣東杜家渠南去縣五里

陝西僉事王瓚墓

在縣西黃河濱

劉昭妃之祖墓

在縣東上村東去縣十五里有碑記

山西僉事何應奇墓

在縣東后川村南去縣三里有碑記

戶部侍郎石璞墓

在雞足山前

清翰林杜樞墓

在莘原村東

勅封昭武將軍辛鼎甲墓

在莘原村北

理學公和張公墓

在縣野鹿村寨背後

進士李大猷墓

在村東北

蕪湖知縣張鷟墓

在陝縣第四區杜村東北

金衢嚴道張愈聚墓

在杜村東北

修武訓導張筵墓

在三區白家嶺西南

代理陝縣知事張金鏡墓

在杜村東北

襄城縣知事薛勉墓

在大峪口

主事衆議院議員張坤墓

在會興鎮南

陝縣志

卷二十五

三

紀言

按舊志有此一門蓋兼三縣而言茲取其關於陝縣者紀物紀異倣此

召公治陝以西甚得民和有司請召民公曰不勞一身而勞百姓非吾先君文王之志也乃巡行鄉邑舍於棠下後人思其政作甘棠之詩

關雎麟趾之化王者之風故繫之周公南言化自北而南也鵲巢騶虞之德諸侯之風也

先王之所以教故繫之召公

詩小序

召公之南則愛及於甘棠周公之東則願及於袞衣於此可見二公之盛德

徐氏倣弦

吳公子季札來聘請觀周樂使工爲之歌周南召南曰美哉始基之矣猶未也然勤而不

怨矣

左傳

應劭漢官儀云宏大也所以廣大農業也

帝王世紀云虢有三焉周興封虢仲於西虢此其地也封虢叔於東虢卽成皋是也今陝郡平陸縣是北虢

水經注曰砥柱山名也禹治洪水山陵當水者鑿之故破山以通河河水分流包而過山見水中若柱然故曰砥柱

河圖括地象曰熊耳山地門也其精上爲璧附耳星

秦餘云唐人運糧三門難通俱屯聚於此所以名集津也

顧寧人日知錄云此地有陝陌漢有陝縣因二公分之遂有東西二陝之名古之陝西止在關鄉之近晉時方以關中爲陝西又東晉以荊州爲陝西如庾翼專威陝西劉毅推轂陝西是也又有陝東之名如劉聰著石勒督陝東諸軍務加崇爲陝東伯是也總是擬二公分陝重地之義

尹翁歸舉廉爲弘農都尉徵拜東海太守過辭廷尉于定國定國家在東海欲屬托邑子兩人令坐後堂待見定國與翁歸語終日不敢見其邑子既去定國謂其邑子曰此賢將汝不任事也又不可干以私

後漢書曰張奐字然明敦煌酒泉人永康元年春東羌先零寇關中冬羌岸尾摩螯等復鈔三輔奐並擊大破之論功當封奐不事宦官故賞遂不行唯賜錢二十餘萬家一人爲郎並辭不受而願徙屬弘農華陰舊制邊人不得內移唯奐因功特聽故始爲弘農人焉晉衛恆四體書體曰弘農張伯英專精其巧家之衣帛必先書後染臨池學書池水盡墨下筆必爲楷則號忽忽不暇草寸紙不遺韋仲將謂之草聖

陝縣志

卷二十五

四

書品云張芝工夫第一天然次之衣帛先書稱爲草聖

書評云張芝如漢武帝愛道憑虛欲仙

趙壹字元叔漢陽西縣人司徒袁逢河南尹羊陟共稱薦之名動京師士大夫想望其丰采及西還道經弘農過候太守皇甫規門者不卽通壹遂遁去門吏懼以白之規聞壹名大驚迺追書謝曰蹉跌不面企德薰風虛心委質爲日久矣側聞仁者憫其區區冀承清誨以釋遙悚今日外白有一尉兩計吏不道屈尊門下更啟迺知已去如印綬可投夜豈待旦惟君明叡平其夙心寧當慢傲加於所天事在悖惑不足具責倘可原察追修前好則何福如之謹遣主簿奉書下筆氣結汗流竟趾壹報曰君學成師範縉紳歸慕仰高希驥歷年滋多旋轅兼道渴於言侍沐浴晨興昧且守門實望仁君昭其懸遲以貴下賤握髮垂接高可敷翫墳典起發聖意下則抗論當世消弭時災豈悟君子自生怠倦失恂恂善誘之德同亡國驕惰之志蓋見機而作不俟終日是以夙退自引畏使君勞昔人或歷說而不遇或思士而無從皆歸之於天不尤於物今壹自譴而已豈敢有猜仁君忽一匹夫於德何損而遠辱手書追路相尋誠足愧也壹之區區曷云量已其嗟可去謝也可食誠則頑薄實識其趣但關節疚動膝炙壞潰請俟他日迺奉其情輒誦來貺永以自慰遂

去不顧

晉史弘農王粹以貴公子尙主館宇甚盛圖莊周於室廣集朝士使嵇含爲之讚含援筆爲弔文不加點其序曰帝壻王弘遠華池豐屋廣延賢彥圖莊生垂綸之象記先達辭聘之事畫真人於刻桷之室載退士於進趣之堂可謂托非其所可弔不可讚也其辭曰邁矣莊周天縱特放大塊授其生自然資其量器虛神清窮玄極曠今王生沈淪名利身尙帝女連耀三光有出無處池非巖石之潤宅非茅茨之宇馳屈產於皇衢畫茲象其焉取嗟乎先生高跡何局生處巖岫之居死寄雕楹之屋托非其所沒有餘辱悼大道之湮晦遂含悲而吐曲粹有愧色

老氏聖紀圖河上公授漢文帝道德二經旨與帝乃齋戒受之唐會要開元七年左庶子劉子玄上議今之所注老子是河上公其序云河上公者漢文帝時人結茅庵於河曲因以爲號以所注老子授文帝因冲空上天不經之鄙言流俗之虛語漢書藝文志注老子者有三家河上所釋無聞焉請黜河上公升王弼所注司馬徽亦云漢史實無其人然所注以養神爲宗以無爲爲體請河王二注俱行

北史曰宇文廣周宗室陝州總管初廣母李氏以患憂而成疾遂歿廣居喪加篤乃以毀

陝縣志

卷二十五

五

薨世稱母爲廣病廣爲母死慈孝之道極於一門

唐蘇世長京兆武功人歷陝州長史天策府軍諮祭酒引爲學士貞觀初使突厥與頡利爭禮不屈拒卻賂遺朝廷壯之出爲巴州刺史舟敗溺死世長有機變淺於學嗜酒簡率無威儀初在陝邑里犯法不能禁乃引咎自撻於塵伍伯疾其詭鞭之流血世長不勝痛呼而走人笑其不情

開元中帝方嚮用姚崇時盧懷慎自以才能吏道多所不及每事必先推讓咸不敢專崇嘗有子喪謁告十餘日政事委積懷慎不能決惶恐入謝上曰朕以天下事委崇卿得坐鎮雅俗耳無何崇出須臾裁決俱盡頗有德色顧謂紫微舍人齊澣曰余爲相可比何人澣未對崇曰何如管晏澣曰管晏之法雖不能施於後猶可沒身公所爲法隨復更之似不及也崇曰然則竟何如澣曰公可謂救時之賢相耳崇喜投筆曰救時之相豈易得乎開元十七年拜宋璟爲右相當時稱崇善應變以成天下之務璟善守文以持天下之正二人道不同同歸於治其不賞邊臣與崇勸天子不求邊功又同一軌轍故唐三百年任輔弼者獨前稱房杜後稱姚宋焉

硤石姚合與馬戴費冠卿殷先藩張籍遊賦詩酬和其得意句云一日看除日終年損道

心有涵元集取王維等二十六人詩百篇曰此詩中射鵬手也號極玄集

言行錄曰處士魏野字仲先居於東郊架草堂有水竹之勝好彈琴作詩清苦多聞於時

上祀汾陰召之辭疾不至以詩贄王文正公曰從前輔相皆頻出獨居中書十五秋秦嶽

汾陰俱禮畢這迴好伴赤松遊公覽之喜形於色以酒茗藥物爲答且得詩感悟以疾屢

辭政柄遂拜太尉玉清昭應宮使

王文正遺事

野謂寇準曰自古功名蓋世少有全者因與詩曰好去上天辭將相歸來平地作神仙及

貶始悔不用野之言

仁宗正

野子閑亦不仕嘉祐中賜號清逸處士

溫公集云

魏野處士詩有妻喜栽花活兒誇鬪草羸真得野人之趣

溫公詩話

魏仲先贈潘逍遙詩云從此華山圖籍上更添潘閬倒騎驢二公之高致蓋可思也

南漳詩話

洪武間有請開陝州銀礦者帝曰土地所產有時而窮歲課成額徵銀無已言利之臣皆

戕民之賊也

明莊烈帝愍皇后周氏天啟中選入信邸時神宗劉昭妃攝太后寶宮中之政悉稟成於

熹宗張皇后故事宮中選大婚一后以二貴人陪中選則皇太后幕以青紗帕取金玉跳

陝縣志

卷二十五

六

脫繫其臂不中卽以年月帖子納淑女袖侑以銀幣遣還懿安疑后弱昭妃曰今雖弱後必長大因册爲信王妃帝卽位立爲皇后

紀物

硯史云西都會聖宮石在溪澗中色紫理如虢石虢州石理細如泥色紫可愛潑墨不滲
橐山多樗多構木陽多金玉陰多鐵多蕭橐水多脩辟之魚白喙狀如鼉音如鷓食之已

癩

熊耳之山上多漆下多糞浮壕之水多水玉多人魚有草名葶葶狀如蘇赤實可毒魚

陝州黃河有銅鐘在水水大恆自浮出每朔望晦冥之日鳴聲悲亮

府志

筆經曰宏農張芝用鼠鬚筆

吳均續齊諧記曰宏農楊寶見一黃雀爲鷓鷃所搏取之以歸置巾箱中養之百餘日毛羽成朝去暮還後寶久讀書未臥有黃衣童子向寶再拜曰我王母使臣昔使蓬萊不慎爲鷓所搏蒙君仁愛救拯今當受使南海不得奉侍以百環四枚與寶令君子孫潔白位登三事當如此環矣

唐書曰貞觀十九年陝州有石理成文曰李君王三字甚明

唐書曰天寶元年陝郡太守李齊物鑿三門山路所通深便於漕運於所門瀆中得古鑄鈕上有古篆平陸二字由是其年改爲平陸縣

代宗東幸陝觀獵於田不覺日暮去行宮四十里上御九華虬緩緩然若五里已至侍從奔驟無及者上以爲超光趨影之匹鍾愛之後賜郭子儀

宋高宗建炎四年正月丁巳金人圍陝州有鳶鴉數萬飛噪城上與戰聲相亂金將婁宿曰城當陷急攻之遂失守近羽孽也

紀異

漢河上公居河之曲文帝讀老子有疑義遣使問之曰道德尊重非可遙問帝枉駕訪之曰普天之下莫非王土率土之濱莫非王臣寰中有四大王居其一子雖有道猶朕民也不能自屈何乃高乎須臾冉冉升於空中曰今上不至天中不至人下不至地何民之有帝悟禮謝遂授道德經註解二卷曰研此疑自解忽不見

范曄後漢書曰張楷字公超隱居宏農山學者隨之所居成市能爲五里霧後華山南遂有公超霧市

異苑曰宏農楊子聞土中作聲握得璧後三年有蛇去梁上落糞皆成碎銀作器賣於市

陝縣志

卷二十五

七

得者尋以破滅

梁胡僧達摩居熊耳山戒行清苦後入寂弟子具棺以營葬未幾宋雲自西域還遇於葱嶺以杖繫一鞋而行至寺開窆視之惟空棺止遺一履故寺名空相云

紀異錄曰貞觀初陝州山中海棠有鳳棲止其上

趙惠宗陝州人通曉法籙天寶末忽積薪自焚坐火中誦度人經火既燼其下草猶綠得遺簡有詩二首

光啟元年十二月陝州集津山有異雉其首向背而連頸棲集津倉廡數月羣雉數百來鬪殺之

乾寧末陝州有蛇鼠鬪於南門內蛇死鼠亡去

唐岑順於陝州夜見車馬步卒之移掘地得金象局並子故象棋唐以後方顯

幽怪錄

五代辛七師陝人爲兒時卽謹肅未嘗以狎弄爲事父母異之十歲好浮圖法閱佛書自能辨梵音不由師授其後父爲陝郡守從之官時郡南故有瓦窰七所及父卒於官辛七哀甚而狂遂遁去其家僮跡其所至至郡南見辛七在一窰中端坐身有奇光燦若鍊金家人驚異次至一窰又見一辛七在焉歷七窰俱有一辛七在中由是陝人呼爲辛七師

金海公禪師杖錫於硤石之三峯山戒行精嚴遠邇尊敬嘗至乾壕鎮買肉持歸人疑之尾其後去鎮里餘有黑虎來迎以肉投之騎而去人始訝其神後建寺名曰龍興坐化寺側磚塔內骨尚存

明洪武初懿文太子西巡見緋衣者迎於道左太子驚問之曰予陝州城隍神也聞有西行謹躬迎駕

明安居結廬魏野草堂之西少遊巒序後遇異人得吐納之術謝諸生去有時頓餐斗米有時二三日不食亦不飢且精通象緯及遁甲等書嘗爲詩云金丹一點透泥丸隱隱溶溶造化端混沌一團鑪內雪乾坤兩朵沼中蓮五行部列分天地八卦開張列聖賢識此機中真妙理有何滄海不升巔後近百歲無疾而卒

劉真還萬歷間修真長春觀煉五雷正法驅雷鞭電喚雨呼風無不正應每旱郡守必請禱雨壽一百一十歲無疾而化今煉將臺猶存

笑和尚蟒鱗川毒蟒爲患行旅斷絕忽一異僧不知何來有笑癖焉遂名之覩此蟒異哈然而笑翌日驅蹇載囊至蟒則吞之和尙聳身高崖哈然而笑須臾蟒中煙起蟒已焚死人始知向所載者火種硝磺爾技雖小而能除大害故傳而誌之

陝縣志

卷二十五

八

清順治元年趙原社有關聖帝君廟神面有水珠如汗狀浸漬自髯而墜數日嗣後不時復然

康熙三十二年

通志作明時非

陝州磁鐘鎮處士賈如璋

通志作何貢士非

家築堂初成堂之東偏置臥

榻每聞堂中有膈膊聲如是數夕晨起視之忽於堂梁之中拆縫生花其色純赤大如牡丹鮮艷奪目閱夕其左右復生二花而差小一碧一黃相去各二尺許觀者雲集又一日晨起於院中忽得一大鹿從此子孫繁昌至今尤盛

見舊志

衛三省字企參少多異徵值狼跋擲莽中一牛馳至角狼走又某日浴於水俄暴漲幾溺沒牛立投淵負以出

見墓道碑